

蜀鑑

第柒冊





蜀鑑卷第九

西南夷本末上

西南夷在蜀徼外非細故也漢武帝始  
署郡縣叛服不常屢見于史今從通鑑  
繫年書之武都氐羗至楊氏而始大其  
後遂為階成興鳳等州為蜀之藩籬已  
別見不著于此

漢武帝元光四年拜唐蒙為中郎將使通





南夷始置犍為郡

初建元六年王恢之討東越也使番陽令唐蒙夙曉南越南越食蒙以蜀鉤醬蒙問所從來曰道西北牂柯江牂柯江廣數里出番禺城下蒙歸至長安問蜀賈人賈人曰獨蜀出鉤醬多竊持出市夜郎夜郎者臨牂柯江江廣百餘步足以行船南越以財物役屬之然亦不能

臣使也蒙乃上書曰南越王名為外臣實一州主也今以長沙豫章水道多絕竊聞夜郎精兵可十餘萬浮船牂柯出其不意此制越一奇也請通夜郎道為置吏上乃拜蒙為中郎將將千人從筰關入見夜郎侯多同厚賜之諭以威德約為置吏多同等貪漢繒帛以為道險漢終不能有乃且聽約蒙還報上以為



犍為郡○華陽國志曰昔楚威王遣莊  
躋泝沅水出苴蘭以伐夜郎植样柯繫  
船於是苴蘭既克夜郎又降而秦奪楚  
黔中地無路得通遂留王滇池因名苴  
蘭為样柯國注样柯繫船杙也後漢注  
样柯江中名山也笮關在沅黎郡又云  
犍為郡治氍元光五年又治南廣水經  
注云氍水出符縣南不狼山縣有犍山  
後漢史注氍水過样柯郡出沅江水經  
注云東逕沅水出苴蘭東逕辰陽南又  
徑沅陵縣西寰宇記云唐播州夷州費  
州莊州卽秦夜郎苴蘭縣之西北隅今  
珍州亦其地又西高州有夜郎縣样州  
建安縣有古样柯郡城西近施黔東近  
辰沅皆其境也氍縣水出符縣今瀘州  
合江縣卽符地南廣今敘州南溪縣亦



其地鬯與南廣皆在都江之南也

拜司馬相如為中郎將通西夷置都尉

唐蒙發卒治道數萬人自犍道詣牂柯江士卒多物故有逃亡者用軍法誅之巴蜀民大驚上使司馬相如責蒙等因諭告巴蜀民以泝上意相如還報時邛笮君長聞南夷得賞賜多欲請吏上問相如相如曰邛笮近蜀易通為置

郡縣愈於南夷上乃拜相如為中郎將建節徃使因巴蜀吏幣物以賂西夷皆請為內臣除邊關益斥西至沫若水南至牂柯為徼通靈關道橋孫水以通邛都為置一都尉餘十縣屬漢天子大悅靈關道漢地理志屬越巂郡寰宇記靈關山在雅州蘆山縣北二十里峯嶺嵯峨靈關鎮在蘆山縣北八十二里四



蜀都賦云廓靈關而為門邛徠山本名邛笮卽邛人笮人之交邛徠關在雅州榮經縣孫水本名長河水又曰沙水出雋州臺登縣繩水出徼外若水南至大笮入繩

元朔三年罷西夷

置南夷夜郎兩縣一都尉稍令犍為自

保就○注自保守且脩其城郭

元狩元年博望侯張騫使西域始通滇國復事西南夷

張騫自月氏還具言西域諸風俗大宛在漢正西可萬里大夏在大宛西南與大宛同俗臣在大夏時見邛竹杖蜀布問曰安得此大夏國人曰吾賈人往市之身毒身毒在大夏東南可數千里其俗



土著與大夏同以騫度之大夏去漢萬  
二千里居漢西南今身毒國又居大夏  
東南數千里有毒物此其去蜀不遠矣  
今使大夏從蜀宜徑天子既聞大宛及  
大夏安息之屬皆大國多奇物土著頗  
與中國同業而兵弱貴財物誠得而以  
義屬之則重九譯致殊俗威德徧於四  
海欣然以騫言為然乃令騫因蜀捷為

發間使四道並出求身毒國各行一二  
千里其北方閉氐笮南方雋昆明終莫  
得通於是始通滇國乃復事西南夷○  
滇池寰宇記秦惠王破滇池此地始通  
華陽國志云滇池縣治滇國有澤水周  
回二百里所出深廣下流淺狹如倒流  
漢為益州郡治蜀漢又改為晉寧郡唐  
為昆州滇池在晉寧縣隸戎州都督北



接雋州戎州今敘州也

元鼎六年苴蘭君反平之以為牂柯郡夜郎侯入朝以為夜郎王以邛都為越雋郡

笮都為沈黎郡冉駝為汶山郡廣漢西白馬武為都郡

武帝又誅邛君并殺笮侯冉駝之戎等皆震讙乃置四郡○苴蘭夜郎牂柯巴

見上寰宇記云郡有越水雋水皆出深羗界言越雋者以彰威德也越雋郡在黎州徼外唐置昆明縣以南接昆明夷越自雋以東北君長以十數笮都最大為沈黎郡今黎州之境是也自笮以東北君長以十數冉駝最大置汶山郡今茂州諸羗是也在蜀之西自駝以東北君長以十數白馬置大武都郡今階成



興鳳文州等境是也今茂州有路可通  
文州元封三年武都氏反分徙酒泉今  
附見此

元封三年遣將軍郭昌發兵擊滇滇王降  
置益州郡

元狩二年上將討昆明以昆明有滇池方三百  
里乃作昆明池以習水戰滇王者其衆  
數萬人其旁東北有勞深靡莫皆同姓

相仗未肯聽帝乃遣郭昌發巴蜀人擊  
勞深靡莫以兵滇滇王舉國降請置吏  
入朝於是以為益州郡○漢史夜郎之  
西有靡莫之屬以十數滇東大北接雋  
州名為雋昆明在敘州徼外已詳見上  
注益州治昆明也

孝昭帝始元元年益州牂柯夷反募吏民  
發奔命擊破之



益州廉頭故繒民反殺長吏牂柯談指  
同並等二十四邑凡三萬餘人皆反遣  
水衡都尉發蜀郡犍為奔命萬餘人擊  
牂柯大破之○廉頭故繒未詳談指同  
並皆漢牂柯郡屬縣並音伴

始元四年姑繒葉榆復反遣呂辟胡將兵  
擊之

辟胡不進蠻夷遂殺益州太守乘勝與  
辟胡戰士溺死者千餘人○漢書北至  
葉榆注澤名因以立號後為縣屬益州  
郡

始元五年大鴻臚廣明等擊益州夷大破  
之以鈞町侯亡波為鈞町王

捕虜二萬餘人獲畜產五萬餘上曰鈞  
町侯亡波率其邑長人民擊反者斬首  
捕虜有功其立亡波為鈞町王大鴻臚



廣明賜爵關內侯○鈞町益州郡縣後  
為寧川晉屬興古郡興古在唐為盤州  
近朱提徼外

宣帝地節元年五都白馬氏反使駱武平  
定之廢汶山郡置都尉

駱武平白馬羌因慰勞汶山吏及百姓  
詣武自訟一歲再度更賦至重邊人貧  
苦無以供給求省郡郡建以來四十五

年矣武以狀上遂省汶山郡復置都尉

○按華陽國志汶山郡東接蜀郡南接  
漢嘉西接涼州酒泉北接陰平即今茂  
州汶山縣是也在漢有綿虎縣

成帝河平二年西南夷相攻以陳立為牂  
柯太守討平之

夜郎王興鈞町王禹漏臥侯俞更舉兵  
相攻議者以為道遠不可擊乃遣太中



大夫蜀郡張匡持節和解興等不從命刻木象漢吏立道旁射之杜欽說大將軍鳳曰蠻夷輕易漢使不憚國威恐議者選與復守和解則復曠一時使彼得收獵其衆以相殄滅自知罪成狂犯守尉遠藏溫暑毒草之地雖有孫吳將奔育士若入水火往必焦沒智勇無所施宜因其罪惡未成未疑漢家加誅陰勅

旁郡守尉練士馬大司農豫調穀積要害處選任職太守往以秋涼時入誅其上侯尤不軌者即以為不毛之地無用之民不以勞中國宜罷郡放棄其民絕其王侯勿復與通知以先帝所立累世之功不可隳壞亦宜因其萌芽早斷絕之及已成形然後戰師則萬姓被害鳳於是薦陳立為梓柯太守立至諭告興



興又不從立乃從吏數十人出行縣至  
興國召興至立數責因斷其頭出曉士  
衆以興頭示之皆釋兵降禹俞震恐入  
粟千斛牛羊勞吏士興妻父翁指收餘  
兵迫脅二十二邑復反立討之威震南  
裔○鉤町漏臥漢屬牂柯郡後屬興古  
郡近朱提在敘州徼外今敘州有陳立  
祠

益州太守文齊牂柯功曹謝暹入貢

齊廣漢人為益州太守造起陂池開通  
漑灌墾田二千餘頃降集蠻夷甚得其  
和及公孫述據城都齊固守拒險述拘  
其妻子許以封侯齊遂不降聞光武即  
位乃間道遣使自聞三蜀人姓龍傳尹  
董氏與功曹謝暹保牂柯郡聞光武在  
河北乃遣使自番禺江出奉貢漢朝世



祖嘉之號為義郎蜀平徵文齊為鎮遠  
將軍封成義侯帝以齊有義特廢之於  
道卒詔為起祠堂郡人立廟祀之

建武十四年以邛穀王任貴為越雋太守  
建武十九年西南夷棟蠶反詔劉尚討之  
尚誅任貴與棟蠶等連戰破之

夷渠帥棟蠶與姑復櫟榆弄棟連然滇  
池建伶昆明諸種反叛殺長吏益州太

王莽始建國四年西南夷殺牂柯大尹

莽篡位改漢制貶鉤町王以為侯王邯  
怨恨牂柯大尹周欽詐殺邯邯弟承攻  
殺欽州郡擊之不能服三邊蠻夷愁擾  
盡反復殺益州尹程莽遣平蠻將軍馮  
茂發巴蜀犍為吏士賦歛取足於民以  
擊益州出入三年疾疫死者什七巴蜀  
騷動莽徵茂還誅之



莽天鳳元年大發兵擊夜郎蠻不克越雋  
蠻亦殺其太守

莽更遣將大發天水隴西騎士十萬人  
擊之始至頗斬首數千其後軍糧前後  
不相及士卒饑疫復大賦歛而粵雋蠻  
夷任貴亦殺太守枚根自立為邛穀王  
光武建武元年公孫述稱帝粵雋任貴殺  
大尹以城降于述

守繁勝與戰而敗退保朱提遣劉尚等  
發廣漢犍為蜀郡人反朱提遣合萬三  
千人尚軍遂度瀘水入益州界與棟蠡  
等連戰數月破之追至不韋斬棟蠡首  
邛穀王任貴恐尚定南方已不得自縱  
因欲襲擊尚尚知其謀即分兵先據邛  
都遂掩任貴誅之尚虜獲生口馬牛羊  
甚衆○姑復牒榆弄棟屬雲南郡連然



滇池建於昆明屬建寧郡朱提郡在廢  
曲州今敘州宜賓縣接境建寧郡治味  
有郁郛縣屬敘州宣化縣接境餘見下  
注華陽國志云不韋永昌郡治古哀牢  
國建寧之極西南也

建武二十七年哀牢夷酋詣越雋太守鄭  
鴻降封賢栗等為君長

牢山夷散在溪谷絕域未嘗交通中國  
建武二十二年其王賢栗遣兵乘箠

禪南下江漢擊附塞夷鹿多鹿多王與  
戰殺其兄弟六人共埋之夜為虎食其  
尸餘衆驚怖引去賢栗恐曰我曹入邊  
塞自古有之今攻鹿多輒被天誅中國  
其有聖人乎天祐助之何其明也遂率  
種人戶詣越雋太守求朝貢自是歲來  
朝貢



明帝永平元年姑復夷復叛益州刺史發  
兵討破之傳首京師

太守翕安漢人政理清平得夷人和在  
郡十七年卒蘇祈叟二百人送喪至翕  
本縣安漢起墳祭祀詔書嘉美為立祠  
堂○蘇祈亦作蘇示如字屬越雋郡安  
漢今果州

永平十二年哀牢內附以其地置博南哀  
牢二縣始置永昌郡

哀牢王柳貌內附戶五萬西南去洛陽  
七千里割益州郡西部都尉所領六縣  
合為永昌郡始通博南山度蘭滄水行  
者苦之歌曰漢德廣開不賓度博南越  
蘭津度蘭滄為它人以廣漢鄭純為太  
守獨尚清廉毫毛不犯夷漢歌詠帝嘉  
之古今注曰益州西部都尉居雋唐續



漢志六縣謂不韋雋唐北蘇栢榆邪龍  
雲南也華陽國志博南山高三十里席  
蘭倉水也哀牢在寧州之極西南也有  
閩濮鳩掩僂越躒濮身毒之民治不韋  
縣寧州治味與朱提相接在今敘州徽  
外味音昧

永平十七年白狼夷稱臣奉貢作詩歌誦  
漢德益州刺史朱輔譯奏之

輔好立功名在州數歲宣示漢德威懷  
遠夷自汶山以西前世所不至正朔所  
未加白狼槃木唐菟等百餘國戶三十  
餘萬口六百萬以上舉種奉貢稱為白  
臣僕輔上疏曰白狼王唐菟等慕化歸  
義作詩三章踞經邛徠大山零高坂峭  
危峻險百倍岐道臣輒譯其詞語謹遣  
犍為郡椽暴護送詣闕并上其樂詩是



時邊郡官吏皆有雕飾畫山神海靈奇禽異獸以眩耀之夷人益畏憚焉○白狼在邛笮之外華陽國志曰邛徠山本名邛笮姑邛人笮人界也巖阻峻回曲折乃至山上凝水夏結冬則劇寒零高坂即靈關道也寰宇紀並在雅州蘆山縣

章帝建初元年哀牢夷殺守令反攻博南發永昌越雋益州三郡兵及昆明夷等擊破於博南斬之

哀牢王類牢等殺守令攻越雋太守王尋奔牂榆帝發越雋益州永昌夷漢九千人討之明年春邪龍縣昆明夷酋承等應募率種人與諸郡兵擊類牢於博南大破斬之傳首洛陽賜酋承帛萬疋封為破虜傍邑侯○牂榆後屬雲南郡



博南永昌郡

元和五年以王阜為益州太守始興學校於南中

阜治化尤異神馬四匹出滇池河中甘露降白鳥見始興文學漸遷其俗尹珍者遠從許叔重受五經還以教授於是南域始有學焉

和帝永元六年敦忍乙王莫延慕義遣使獻犀牛大象

漢史哀牢夷傳

永元九年徼外蠻及檀國王雍由調重譯入貢

賜金印紫綬小君長皆加金印綬錢帛並附哀牢夷傳

永元十二年旄牛徼外白狼樓薄王唐繒等內附



詔賜金印紫綬小豪錢帛各有差附笮  
都夷傳○旄牛今黎州通望縣地

安帝永初元年徼外僬僂種夷陸類等內  
附

獻象牙水牛封牛

元初元年蜀郡三襄種夷攻蠶陵城殺縣  
令

蠶陵冀州今茂州界

元初二年青衣道夷邑長令田舉國內附  
令田與徼外三種三十一萬口齎黃金  
旄牛牂舉土內屬安帝增令田爵為奉  
通邑君○牂結毛為飾也音餌

元初三年越雋徼外夷大羊舉種內附種  
人三萬一千戶內屬

元初四年越雋夷殺遂久令

漢史注云遂久故縣在今靡州界屬雲



南郡唐盤州

元初五年永昌益州蜀郡夷叛應越雋夷  
詔益州刺史張喬討平之

三郡夷叛應封離衆至十餘萬破壞二  
十餘縣殺長吏焚掠百姓骸骨委積千  
里無人詔益州刺史張喬討之喬乃遣  
從事楊竦將兵至榆牒擊之先以詔書  
告示三郡乃與封離戰大破之斬首三

萬餘級獲生口千五百人資財四千餘  
萬悉以賞軍士封離等惶怖詣竦乞降  
竦厚加慰納其餘三十六種皆來降附  
竦因奏長吏姦猾侵犯蠻夷者九十人  
皆減死州中論功未及上會竦病創卒  
張喬深痛之乃刻石勒銘圖畫其象天  
子以張喬有遺愛拜其子湍為太守竦  
成都人也



永寧元年檀國王再遣使入貢

檀國雍由調獻樂及幻人能變化吐火  
自言我海西人海西即大秦也檀國西  
通大秦明年元會安帝作樂餘庭封由  
調為漢大都尉

延光二年旄牛夷反攻零關張喬擊破之  
於是分置蜀郡屬國都尉領四縣如太  
守○旄牛屬今黎州零關在今雅州

桓帝建和二年白馬羌廣漢屬國殺長吏  
益州刺史率板楯蠻討破之

秦時白虎為患夷胸忍等射之號曰板  
楯蠻

延熹二年蜀都三襄夷寇蠶陵

蠶陵在唐冀州衛山冀水兩縣古松州  
悉州之間與茂接境近西羌

延熹四年犍為屬國夷寇郡界益州刺史



山昱擊破之

靈帝熹平五年諸夷反執益州太守雍陟  
詔以李顥為益州太守討平之

諸夷反執雍陟遣御史中丞朱龜將并  
涼勁兵討之不克朝議以為郡在邊外  
蠻夷喜叛勞師遠役不如弃之太尉掾  
巴郡李顥建策討伐乃拜顥益州太守  
與刺史龐芝蒞板楯蠻擊破平之還得  
雍陟顥卒夷人復叛以廣漢景毅為太  
守討定毅初到郡米斛萬錢漸人以恩  
米至數十云

獻帝建安十九年昭烈定成都以鄧方為  
庠降都督

昭烈遣安遠將軍鄧方為朱提太守庠  
降都督輕財果毅夷漢敬其威信

蜀漢昭烈帝章武元年以李恢為庠 降



督

鄧方為昭烈問代於治中從事建寧李恢對曰先零之役趙克國有言莫若老臣遂用恢為都督治平夷縣○寰宇記云平夷即興古郡華陽國志云建寧郡治味音昧故庾降都督也也味在唐為郎州與朱提相接今在敘州徽外

後主建興元年益州都督即雍闓等以四郡叛

益州郡者即雍闓聞昭烈崩隕殺太守正昂以張裔為太守闓假鬼教曰張裔府君如瓠蘗外雖澤而內實麓殺之不可縛與吳於是執送裔於吳吳王孫權遂用闓為永昌太守永昌功曹呂凱府丞王伉率吏士閉境拒守闓不能進移檄永昌稱說云云凱答檄曰天降喪亂姦



雄乘釁天下切齒萬國悲悼臣妾大小  
莫不思竭筋力肝腦塗地以除國難伏  
惟將軍世受漢恩以為當躬聚黨衆率  
先啓行上以報國家下不負先人書功  
竹帛遺名千載何期臣僕吳越背本就  
末乎昔舜勤民事隕于蒼梧書籍嘉之  
流聲無窮崩于江浦何足可悲文武受  
命成王乃平先帝龍興海內望風宰臣

聰睿自天降康而將軍不覩盛衰之紀  
成敗之符譬如野火在原蹈履河冰火  
滅冰泮將何所依附曩者將軍先君雍  
侯造怨而封竇融知興歸志世祖皆流  
名後葉世歌其美今諸葛丞相英才挺  
出深覩未萌受遺託孤翊贊季興與衆  
無忌錄功忘瑕將軍若能翻然改圖易  
迹更步古人不能追鄙土何足宰哉蓋



聞楚國不共齊桓是責夫差僭號晉人不長况臣於非主誰肯歸之耶竊惟古誼臣無越境之交是以前後有來無往重承告示發憤忘食故略陳所懷闔不聽都護李嚴與闔書諭闔荅曰天無二日土無二王今天下鼎立正朔有三是以遠人惶惑不知所歸也其悖謾如此使郡人益獲誘扇諸夷諸夷皆從之樣

柯太守朱褒越雋夷王高定皆叛應闔諸葛亮以新遭大喪撫而不討務農殖穀閉關息民民安食足而後用之

建興三年丞相亮南征斬雍闔遂平四郡亮率衆南征叅軍馬謖曰南中恃其險遠不服久矣雖今日破之明日復反耳今公方傾國北伐以事強賊彼窺吾勢內虛而叛亦速若殄盡遺類以除後患



既非仁者之情且又不可倉卒也夫用  
兵之道攻心為上攻城為下心戰為上  
兵戰為下願公服其心而已自安上由  
水路入越雋別遣馬忠伐牂柯李恢向  
益州高定自託于定葺卑水多為壘守  
亮欲俟定元軍衆集合并討之軍卑水  
定元部曲殺雍闓及士庶等孟獲代闓  
為主亮既斬定元而馬忠破牂柯李恢

敗於南中夏五月亮渡瀘進征益州生  
虜孟獲使觀營陣之間獲曰向者不知  
虛實故敗今祇如此即易勝耳乃七擒  
七縱而亮猶遣獲獲止不去曰公天威  
也南人不復反矣遂至滇池益州永昌  
牂柯越雋四郡皆平亮即其渠率而用  
之或以諫亮亮曰若留外人則當留兵  
兵留則無所食一不易也加夷新傷破



父兄死喪留外人而無兵者必成禍患  
二不易也又夷累有廢殺之罪自嫌釁  
重若留外人終不能信三不易也今吾  
欲使不留兵不糧運而綱紀粗定夷漢  
粗安故耳亮於是悉收其豪傑孟獲等  
以為官屬出其金銀丹漆耕牛戰馬以  
給軍國之用終亮之世夷不復反冬亮  
自漢陽還亮又為夷作圖譜先畫天地

日月君長城府次畫神龍及牛馬羊後  
畫部主吏乘馬幡蓋巡行安邨又畫牽  
牛負酒齎金寶詣之之象以賜夷夷甚  
重之亮又為誓碑云碑若什蠻為漢奴  
蠻人至今以石搯之○李膺益州記曰  
瀘水源出曲羅東下三百里兩峯有殺  
氣暑月舊不可行故武侯以夏渡為難  
水經注曰瀘津水又東逕不韋縣北而



東北流兩岸皆高山數百丈盧峯冢為  
高秀孤高三十餘丈時有瘴氣三月四  
月逕之必死五月以後行者差無害山  
海經云黑水之間若水出焉水沿流間  
關蜀土大度水徼外至苻與若大水合  
又有孫水名白沙江出臺登縣徑邛都  
縣入若水澠水又逕越雋之馬湖縣謂  
之馬湖江又東北至犍為為朱提縣西  
為瀘江水又東北至夔道縣入于江若  
水瀘水澠水孫水大渡水淹水隨決入  
而納通稱正是異水沿江通為一津更  
無別川可以當之樂史寰宇記云雋州  
會川縣有瀘津關關上有石峯高三丈  
四時多瘴氣

論曰多語瀘而不同何也酈道元之說  
在始昌不韋縣樂史之說在雋州會川



縣以史觀之樂史之說是也蓋孫水若水繩水皆出于西北徼外而合于邛笮之間其山即盧峯故唐吐蕃嘗屯三瀘水謂之三瀘以是三水也孔明之渡瀘則由越雋入益州也益州即滇池連而然雲南等縣矣不韋縣在永昌郡又益州之極西南三瀘自越雋入朱提諸史所言皆然經益州界則有之若謂之逕

不韋縣又謂盧峯在不韋則誤矣樂史又以堡峯為盧則擇焉不精矣渡瀘細事爾然非參稽舊史則未易知也

改益州郡為建寧郡分永昌置雲南郡牂柯置興古郡

以李恢為建寧太守加安漢將軍領交州刺史移治味縣丞相亮上表曰永昌郡吏呂凱府丞王伉等執忠絕域十有



餘年雍闓高定偏其東北而凱等守義  
不與交通臣不意永昌風俗敦直乃爾  
以凱為雲南太守伉為永昌太守以馬  
忠為牂柯太守○建寧郡治味縣郁鄢  
屬焉今敘州宜賓界也雲南即古滇王  
國唐為姚州治弄棟川即漢弄棟蜻蛉  
縣地漢王褒求金馬碧雞之神在此地  
也興古郡即唐盤州漢平夷縣地平夷  
北接味縣同升麻等地郎州又接曲樂  
州即朱提縣朱提又接今敘州也  
建興十一年以忠為庾亮都督

庾亮都督張翼用法嚴夷帥劉胄叛丞  
相亮以參軍馬忠代翼令還其人檄召  
謂翼宜速即罪翼曰吾臨戰場代人未  
至當運糧積穀為滅賊之資豈可以黜  
退之故而廢公家之務乎於是統攝不



懈代道乃戮忠因其資破曹斬之

延熙三年越雋太守張嶷平定越雋郡

越雋自丞相亮討高定之後叟夷數反

殺太守是後太守不敢之郡嶷為太守

以計降其君長誅戮蘇定祚諸豪酋繕

治城郭蠻夷致力定祚臺登卑音水三

縣去郡三百餘里舊出鹽鐵及漆而夷

徼久自固食疑率所領奪取置長吏焉

延熙十年汶山平康夷反遣將軍姜維討平之

寰宇記云今維州城有姜維故壘唐武

德七年白狗羗降附於姜維故城置維

州

晉武帝泰始七年分益州地置寧州

武帝以益州地分廣分益州之建寧興

古雲南之交州永昌合四郡為寧州太



康三年又廢寧州入益州立南夷校尉以護之以天水李毅為校尉持節統兵鎮南中統五十八部夷族都監行夷事惠帝太安二年復置寧州分建寧以西七縣別立益州郡

先寧元年寧州五苓夷攻圍州城太守李毅卒

寧州頻歲饑疫死者以十萬計五苓夷強盛州兵屢敗吏民流入交州者甚眾夷遂圍州城李毅疾病救援踣絕乃上疏言不能式遏寇虐坐待殄弊若不矜卹乞降大使及臣尚存加臣重辟若臣已死陳屍為戮時李雄作亂益州而所在有事救援莫至毅卒毅女秀明達有父風眾推秀領寧州事秀獎勵戰士嬰城固守城中糧盡爰鼠拔草而食之伺



夷稍怠輒出兵掩擊破之

懷帝永嘉五年寧州刺史王遜滅五苓夷  
初李毅死其子劉自洛往州人奉之以  
主州事遣使詣京師求刺史朝廷乃以  
遜為刺史既至表劉為朱提太守至南  
廣時寧州內逼於李雄外有夷寇城邑  
丘墟遜惡衣菜食招集離散勞徠不倦  
數年之間州境復安誅豪右不奉法者

以五苓夷首為亂首圖討之未有致罪  
會夷族夜郎莊王墓遜因此遂討滅之  
及討惡獠剛夷數千落威震南方○莊  
王墓即莊躡墓也楚威王遣莊躡伐夜  
郎遂王滇池滇王其後也南廣朱提漢  
屬犍為郡在今敘州徼外

愍帝建興二年夷王冲歸朱提雷炤建寧  
爨璽降丁李雄遣李驤破越雋李雄伐寧



蜀書卷九  
州王遜破之

捷為太守朱提雷炤流民陰貢平樂太守董霸破犍柯平夷南廣北降李雄又建寧爨璽與益州太守李易梁水太守董懂保興古槃南以叛雄遣叔父驤破越雋攻臺登縣遜使督護雲南姚岳距驤於堂螂縣遠遜指授驤軍大敗嶽追之至瀘水赴水死者千餘人○堂螂朱

提屬邑今敘州徼外有堂螂山瀘水馬湖江也

晉成帝咸和二年朱提太守楊術與李雄羅恒戰于臺登兵敗術死

臺登屬雋州今黎州徼外

咸和八年李壽拔朱提寧州刺史奉降于李雄

雄遣李壽攻朱提以費里為前鋒拔之



又遣鎮南任回征木落分寧州之援寧  
州刺史尹奉降遂有南中之地惟梓柯  
謝恕不為壽用遂保郡獨為晉官壽復  
擊取之李雄以李壽領寧州威鎮南中  
晉康帝建元元年李壽縱獠於蜀

事已見上蜀土無獠始從山出北至犍  
為梓潼布在山谷十餘萬落不可禁制  
大為百姓之患自此蜀之藩籬蕩然南  
夷之事不可推訪矣惟蜀獠為患至唐  
末猶見之史要不足採今不復錄

後周武帝天和四年平越雋置西寧州

遣大將軍鄭恪將兵平越雋因置郡○  
李膺益州記云晉永嘉分崩李雄竊據  
蜀地蕪廢將二十紀夷人侵軼獠又間  
之公私踞絕無可推訪後魏廢帝二年  
始更招携民漸墾殖因僑立蒙山郡十



道志云魏晉以還蠻獠恃險鈔竊乍叛乍服後周武帝征越雋又開其地因立嚴州取其嚴敬為稱隋開皇四年改嚴州為西寧州○蒙山郡今雅州

隋文帝開皇十七年史萬歲擊南寧羗平之

初王謙反於蜀梁睿討平之西南夷獠莫不歸附惟南寧州酋帥爨震恃遠不服睿上疏以為南寧州漢世牂柯之地戶口殷衆金寶富饒梁南寧州刺史徐文盛為湘東王徵赴荊州屬東夏尚阻未遑遠略土民爨瓚遂竊據一方國家遙授刺史其子震相承至今而震臣禮多虧貢賦不入吃略定南寧帝未之許其後南寧夷爨翫來降拜昆州刺史既而復叛乃以左領軍史萬歲帥衆擊之



人自蜻蛉州至於南中夷人前後屯據  
要害萬歲皆擊破之過諸葛紀功碑度  
西瀾河入渠濫川行千餘里破其三千  
餘部諸夷大懼遣使請降獻明珠徑寸  
於是勒石頌美隋德萬歲請將爨翫入  
朝詔許之爨翫陰有貳心賂萬歲以金  
寶萬歲於是捨翫而還明年翫復反上  
欲誅萬歲翫懼入朝文帝誅之○紀功  
滇池也

以梁毗為西寧州刺史

毗為刺史凡十一年蠻夷酋長皆以金  
多者為豪雋迭相攻奪略無寧歲毗患  
之後因諸酋長相帥以金遺毗毗置金  
坐側對之慟哭而謂之曰此物饑不可



蜀鑑卷九  
食寒不可衣汝等以相滅不可勝數比  
今將此來欲殺我邪一無所納於是蠻  
夷感悟遂不相攻擊上聞而善之

蜀鑑卷第九



